

東方雜誌

第十八卷
第十三至十六号

(1921年7月—1921年8月)

上海書店出版社

東方雜誌

第十八卷

第十三至十六號

(1921年7月—1921年8月)

上海書店出版社



插圖

□三色版西洋名畫「夜巡」

□國際時局片影(六幅)

評論

□國際政局之重要發展

□中國式之資本主義

□愛爾蘭民族運動之成功

羅素先生去華感言

戰後新興國之研究(附地圖一)

(一)波蘭新共和國

農業之社會主義化

曼兌爾與其遺傳律

維新後之日本小說界述概

世界新潮(附圖十六)

□勃列顛帝國會議

□西伯利亞遠東共和國成立之經過及其現狀

□意大利新選舉之經過

□菲律賓之現狀

□勞農俄國東方政策之成功

□美國海員組合之內容與此次罷業之原因

東方雜誌

第十八卷 第十號
民國十年七月十日發行

端六 (一—三)

堅瓠 (三—五)

羅羅 (五—六)

楊端六 (七—三)

羅羅 (三—五)

昔塵 (二五—三六)

周建人 (三六—四六)

鳴田 (四六—五六)

W (五七—六〇)

W (六〇—六三)

W (六三—六四)

W (六四—六六)

T (六六—六九)

T (六九—七一)



□中美洲新聯邦共和國之成立……………W (七一—七二)

名著研究

□歷史大綱 (Outline of History)……………愈之 (七三—八〇)

科學雜俎 (附圖五)……………(八一—八六)

□增加讀書速率之試驗

□三輪曳引車

□燈塔之新用途

□人工養魚法

□美國加州紅木之特長

□除微生物之新法

金錢 意大利鄧南遮著……………範邨 (八七—九三)

久米仙人 日本武者小路實篤著……………韞玉 (九三—九六)

平等 俄國梭羅古勃著……………愈之 (九六—)

未來派戲劇四種……………宋春舫 (九七—一〇六)

□換個丈夫罷

□月色

□朝秦暮楚

□只有一條狗

調查……………曹仲淵 (一〇七—一六)

最錄……………(一七一—二六)

□教師職業的現在機會

□杜威先生與中國

□中國人到自由之路

法令……………(一三七—一三三)


□縣議會議員選舉規則

□省參事會條例

中國大事記……………(一三三—一三六)

外國大事記……………(一三六—一三八)

國 際 時 局 片 影 (一)




(1) 上西里西亞波蘭
叛軍巷戰之情形。




(2) 愛爾蘭警
察在鄉間盤詰
附從新芬黨嫌
疑人犯之情形。



(3) 上西里西亞波
蘭叛軍之輜重隊。



(4) 日 皇太子 游英國 時在在愛 丁堡與其 地兒 董談話 (5) 日 皇太子 在倫敦 與英王 同車出 游攝影 (6) 中立者為 佔據上 部阿里 西亞之 波蘭叛 軍領袖 柯方帝。



評論

國際政局之重要發展 端六

自凡爾賽對德議和以來。國際政局忽陷於悲涼慘淡之境遇。美前總統威爾遜犧牲一切以求換得之國際聯盟約章。反不如海牙和平會議之結果。各國競爭武備。不僅不因之稍減。且益形激烈。循此以往。恐不出三五年。世界又將有驚天動地之大戰。戰爭之慘無人道。觀於歐戰可知矣。我中國遠處戰線之外。或不感何種痛苦。然吾人逼處戰場者。雖未曾實際從軍。已覺回首思之。不勝心悸。然殺人之術。再經三五年之準備。必更有許多新發明。今後如有戰事。難免不在遠東。吾恐高枕無憂之中國人。難免不驚醒甜甜之夢矣。

美日戰爭。美日戰爭。此吾人近日所悉聞者也。此次

歐戰之真因爲英德海上之爭霸。而其導線則爲可憐之巴爾幹問題。美日如有戰爭。則其真因必爲太平洋海上之爭霸。而其導線必爲可憐之遠東問題。可憐之中國人不能自立。遂供列強之犧牲。誠可弔也。

今乃有一線之光明矣。美總統哈定擬召集太平洋大會於華盛頓。以解決軍備限制及遠東問題。吾人認此舉爲世界人道之復活。不禁爲中國人及世界人類額手稱慶。美國政府之大膽與決心。固足使吾人沒齒不忘。然大英帝國之賢明與退讓。尤爲吾人所永矢勿諉者也。

今後之世界。英美民族之世界也。最近之將來。吾覺此種斷案不離乎真。此兩大民族如果和好。確有支配世界之能力。否則兩虎相鬪。必有一傷。吾人不希望彼等爲虎。然希望彼等勿鬪。

英日同盟爲我國自由發展一大障礙。凡在東亞之

人。除少數日本人外。無不痛心疾首。思有以廢止之。然其關鍵則爲英美之交好。兩年前吾在歐洲。卽以此語王正廷專使與施肇基公使。囑其注意調和英美之國交。夫以我國地位之卑下。欲實行此政策。殊爲妄想。然無論事之能行與否。我輩不可不存有此念。以爲我外交大方針。今幸此期望漸有可達之一日。快何如之。

英日同盟之關鍵在英美之國交。吾於太平洋雜誌第三卷第一號已詳論之。特彼時尙有極大之悲觀。今則形勢漸變。或許吾人以樂觀矣。吾人對於世界平和之前途。與中國自由發展之命運。實抱有無窮之希望。吾人今後所當努力之處。近日大陸報社論已代我述之。今日最重要之任務。卽在解除我國自己之軍備。須知我國之前途。首在自成一國以並立於國際會議之堂上。國際聯盟約章謂會員國家須爲「有組織之民族」(Organised people) 吾人若

不先解吾軍備。不足以表示吾民族確具有組織之能力。

今日最重要最急切之事務。在使比較有良心有知識之中國人。捐除一切私見。羣起組織解除軍備會。朝野上下。苟有真正愛國之熱忱者。當以此爲惟一信條。實行聯合去做。不觀最近之愛爾蘭乎。彼等處英國積威之下。不懼死。不中怯。挾白刃與軍警抗。前仆後繼。無有退者。卒能使英政府回心向善。請求協商。吾人今日之地位。恐不如愛爾蘭共和黨之窘。而其成功或較易也。

今日國民第一義務。在使巡閱督軍放棄其陸軍主義。而後其他各事可爲也。厭棄陸軍主義者何人乎。商人也。學生也。工人也。平民也。皆被其害而無所告者也。此數種人苟能各出其力爲同一方向之運動。則其成績必有可觀。非然者。太平洋會議之結果。未必能大有造於不自立之中國也。

中國式之資本主義 堅 瓠

世頗有人謂欲振起吾國之國民生計。當於最近期間。獎勵資本主義者。由今觀之。吾國資本主義之形成。則已有其徵驗矣。所不可知者。特與國民生計。是否有裨益耳。蓋循今日經濟界之趨勢。吾國而果有資本主義之發生。亦必自成一種中國式之資本主義。而與論者意中之資本主義。絕非同物也。

資本主義之在歐美。嘗有一特殊之勞績。則能應用科學發見。以增加生產之能率。而其所經營之事業。又規模宏大。能容納多數之勞力是也。此就社會主義之見地言之。雖爲剩餘價值之掠奪。不能少道其罪惡。然於未開發之國家。究不得不謂其有一日之效用。論者之欲以資本主義振起吾國之國民生計。殆亦因此種效用而發者也。雖然。欲以資本主義爲振起國民生計之手段。其最低限度之要求有二。第

一、資本家必具有充分之實力足以經營巨大之事業。第二、資本家之眼光必非甚短淺而不至亟亟於一時之速效。吾國之資本家其實力與眼光既不足與歐美資本家相抗衡而又豔羨於資本主義之厚利欲以速化急就之法刻意以求其形似此所以生產事業百不一舉而疊床架屋之金融事業與毫無把握之投機事業乃蔓延於企業界而未有已也企業界而有疊床架屋與毫無把握之現象其食最終之惡果者固在企業界之自身故此種虎賁中郎之資本主義雖無勞動革命之發生亦必以內容之腐敗而自卽於崩潰然當其盛時則未嘗不能張虛僞之形式吸收社會之資本甚者且故設可歆之厚餌以奪平民之儲蓄是歐美之資本主義在過去期間爲發展生產事業之功臣而中國式之資本主義則於發軔之初卽以有限之國富投諸不生產之事業而使生產事業末由發展也此殆中國式之資本主

義所以與歐美之資本主義最爲顯著之差別也抑歐美之資本主義尤有其特殊之歷史則其所謂工商階級在當日固嘗與貴族階級立於對抗之地位而爲造成立憲政治之原動力也是故資本家之勢力常能左右政治而不爲政治勢力所左右而吾國則不然從前士農工商之界限在今日已破棄殆盡凡武人軍閥官僚政客挾其聚斂而得之貨財優越地位之憑藉莫不欲於企業界中占一席之地而本來之企業階級亦似喪其獨立自營之良習慣而欲依附官僚以爲重故謂中國之資本主義爲一官僚式之資本主義亦不得謂過使除去官僚武人之財力與其所挾持之特殊勢力則中國之資本主義實一羌無內容之長物也資本主義既以官僚武人之特殊勢力爲中堅則於經濟一方面必使中產階級無均等競爭之機會而益增分配不平之現象於政治一方面亦必造成貪婪乾沒之惡風而以從政爲

殖財致富之方便法門。質言之。則歐美之資本主義。尚不過經濟上之掠奪。而中國之資本主義。則并有其政治上之掠奪是也。是又中國式之資本主義。其爲害更烈於歐美之資本主義之故也。

要而言之。歐美之資本主義。其在歐美本土。固已爲人人所痛惡。而吾國則以人民尙未嘗其况味。正不必於今日爲無佐證之爭辯。惟中國式之資本主義。則其無益於國民生計。而必當加以矯正。已有事實上之證明。至其起而矯正之者。將爲企業階級之自身。抑有待於第四階級之崛起。則非吾人之所能預測矣。

愛爾蘭民族運動之成功 羅 羅

經兩年餘之誅戮殘殺。焚燒劫掠。愛爾蘭共和國與英政府卒有正式議和之消息。此足爲愛爾蘭人民道賀。而實又足爲勃列顛全體人民額手稱慶者也。

過去之事實。姑置不論。僅就今年而論。在此五六閱月中。愛爾蘭共和國與英政府軍隊。奮力鏖戰。幾無一日之寧輯。半載以來。男女老幼之因內戰而死亡者。已逾六七百人。受傷人數。當猶不止此。家屋建築之燬壞。工商實業之損失。更難以數計。內戰之慘酷。爲歷史中之所希有。故愛爾蘭問題。實英帝國切膚之痛。月前羅馬教皇曾勸告英愛人民停止戰鬪。吾人鑒於愛爾蘭問題調停屢遭失敗。方謂英愛平和相去尙遠。不圖帝國會議開會後。賴南非首相斯末資將軍之斡旋。英政府與新芬黨兩方。卽實行停戰。近日且聞愛爾蘭共和國總統華列拉已抵英京。名爲加入勃列顛帝國首相會議。實則與英相喬治開始談判議和也。喬治首相既許與華列拉分庭抗禮。是不啻承認愛爾蘭爲敵對國。英政府對於愛爾蘭之從屬關係。已完全取銷。將來無論議和條件若何。而就目前之事實。則英政府實已表示極大之讓步。

蓋愛爾蘭事件。非軍隊與武裝警察之所能壓平。此在喬治內閣。亦早已有此覺悟。然以堂堂之勃列顛帝國政府。而與從屬數百年之領土中之叛徒。爲對等的議和。究爲喪失顏面之舉。今既有斯末資將軍居間調停。且當此帝國首相會議集會之際。實際上雖爲英愛議和。而名義上固不妨稱爲加入首相會議。於喬治內閣之面子。初無十分損害。此英政府之所以毅然決然。有此寬大之讓步也。

英愛議和之結果。洵爲最可注意之問題。在目前兩方未提出條件。尙無從猜測。然英帝國之前途。方在大聯邦共和國道上進行。帝國改造後。英政府苟許愛爾蘭成爲自治聯邦之一。與以政治經濟文化

之完全獨立。則此久延不決之問題。卽不難迎刃而解矣。所困難者。則愛爾蘭北部與南部宗教感情皆不同。當月前杜白林正在紛擾之際。而北部烏爾斯泰之自治議會。則正式開幕。其中新芬黨議員。僅得數席而已。今後南北兩部應如何融合。此乃會議中最重要之問題也。

最後吾人對於愛爾蘭人民之奮鬥。宜表如何之敬意。數載以來。愛爾蘭人之因要求獨立而遭犧牲者。殆不可勝數。英雄之血。義士之生命。卒換得民族之正義。今愛爾蘭平和開始。其未來光榮之使命。卽發端於此。凡同情於世界被壓民族者。其將如何熱誠歡忭乎。



羅素先生去華感

言

楊端六

羅素先生此次來華講學雖爲時不久。然足以引起吾人之感想者極多。第一。羅素先生以世界大哲學者來我中國。原欲以考察世界之眼光考察中國之社會狀況。而後發爲文章以貢獻於吾人之前。不幸身罹重病。不克久留中國。吾人聞其有去華之事。不得不聊述數語以表惜別之意。

羅素先生以哲學著稱。其所著社會學諸書。似爲其旁枝末葉。然卽以予所見。已覺其名言至理隨處皆有。予最慕羅素先生之學說。能切中時弊以立言。不似他人專驚高談闊論。然又能瞻前顧後。不忘將來。

之改進方法。昔在上海各界歡迎會席上。朱進之先生演說。比羅素先生於孔子。當時頗覺其過分。然至今思之。羅素先生爲時中之哲。此一點決不讓於孔子。當此擾攘不已之秋。惜未有哲人從古今中外大局上指導一般羣衆。使逐漸逃出迷途。羅素先生挾研究中國社會情狀之目的而來。若能假以時日。必有宏言偉論餉我國民。今留華不及一年。而其半乃消磨於呻吟苦痛之中。豈非中國大不幸耶。雖然。卽此短日月間。羅素先生似已有所得。觀於報載最後之演說。叮嚀以少數澈底之人秉強固不拔之精神。

去改造政府。又謂西方的德謨克拉西非數年內之中國所能企及。而主張以俄國式的方法對付現在之問題。可見基爾特社會主義。羅素先生只爲英國說法而不爲中國立詞。而我國今日之青年。動輒主張極端之西方的德謨克拉西。遇有稍講秩序及服從之事件。卽羣起反對之。卒至作事不成。社會不見有絲毫之進步。吾人對於羅素之最後講演。確認爲救時之良藥。今之青年大抵誤認德謨克拉西爲一種原因。實則不過一種結果耳。德謨克拉西之範圍。隨時代之變遷而有廣狹。十九世紀以前之歐洲政治運動。注意在削除獨裁君主之權限。而以代議制度代之。在當時。德謨克拉西之目標在於不完全之選舉制度。其後教育日益普及。智識日益發達。於是有普選之運動。工人婦女昔在屏棄之列者。漸次握得與政之權。然爲時不久。此種平民的選舉制度。在今日之歐美已有爲人厭棄之機矣。實則國民教育

發達至於今日之歐美。尤不能不歸於有限制之德謨克拉西。以予觀之。最近之將來——否。最遠之將來——社會活動之中心決不能不在乎少數之青年志士。所謂羣衆云者。皆追隨此少數人之後者也。此少數人之道德與能力必爲一般羣衆所欽仰。而後能形成社會活動之中心。此種集中的運動。徵之各國社會政治史。莫不如是。英之首相與昔日國王有何以異。其不同者程度問題耳。國王雖爲世襲制。不必代代賢君。然其初必爲一強有力之人。始能征服全國而爲之主。今之首相亦以才能道德高出羣衆之故。博得短期之統治權位。北美合衆國大總統以四年爲一任期。且有二權鼎立之組織。以鉗制之。在理論上不可謂非德謨克拉西之模範。然觀於歐洲大戰時之美國行政。則威爾遜不異乎一專制君主。英國大法學家戴雪至謂總統制優於內閣制。稱羨美國憲法不已。再觀勞農俄羅斯。執掌大權者不

過半打人。東南西北無往不服。愛爾蘭共和國總統伐勒拉一聲停戰。干戈頓息。降至一團體之首領如英國工會總書記。亦有發號出令之權。中國今日之混亂。即在乎不能發見此種人才。爲國民之先導者。然有時亦未必絕對不能發見。特發見以後。仍不免猜忌不信任。遂使比較可爲之機一失而不復得。最近湘省審查憲法。即其好例也。委員會所擬草案。雖亦有不盡洽人意之處。然自大體上觀之。固未始不可試行數載。而湘人以路界意見互相挾持。不予急急通過。熊希齡君到湘演說。勸審查員捐除意見。一致擁護草案。其言極爲沈痛。方之愛斯癸斯威爾遜之發表意見。亦不是過。而在湘人聞之。則如未聞也。者在審查員諸君心目中。方自以爲擁護民權。排除專制。正合於德謨克拉西的意義。殊不知苟爲小憤而廢大計。使湘民陷於水深火熱之中。而莫由自拔。則審查員之罪。不可擢髮數矣。吾非謂省憲法即爲

救亡之惟一方法。然湘人既欠缺和衷共濟之精神。即爲時局紛擾之一有力的表證。由此可見審查會人數過多。不適於辦大事。然當初苟用草案直接付之公決。則人必以爲違反德謨克拉西。吾湘人也。對於湘事。尙未至絕端的失望。今茲所述。僅以表示今日中國之急需。在有少數人爲之表率。而不在乎曉曉者衆口異詞耳。羅素先生聞之。其感想又當何如。吾人所不能已於言者。還有一事。羅素先生之來華爲講學也。講學非奇異之事。在我國歷史上固數見不鮮。即在外國亦視爲一重要之文化傳播方法。故此次敦請外國學者如杜威羅素諸先生來華講學之動機。吾人深表同情。然其方法未免太不講究。今日中國人有一通病。即作事不切實是也。無論何事。僅圖敷衍表面上之光彩。而不問其內容若何。講演亦其一例也。講演有兩種。一普通演說。目的在於宣傳。凡政治的集會演說大都屬於此種。一學術的演

說。目的在於研究特種學問。今日中國之講演與其謂爲政治上的宣傳。毋寧謂爲學問上的研究。此人所共認者。宣傳的講演惟恐聽者不多。研究學問的講演則大異乎是。聽者之數不在多而在對於所講之學問比較的有趣味。大抵各國之學術講演。近於專門。例如哲學、歷史學、政治學、經濟學、醫學、物理學、化學、數學等。非普通羣衆所能了解。故必先有講學團體。組織一羣人。對於某項特別學術素有研究之趣味者。設立專門學會。隨時請會中或會外學者蒞會講演。彼講演者必對於某項學問有特別之研究。可以供衆人之參考者。乃肯登壇。故講演乃爲有益。今我國目下流行之講演。講者與聽者之資格均不備。有時一種機關或個人慕當時有名之士。欲藉此與之聯絡情誼。且以誇耀於聽衆。不問講者願講與否。不問聽者能聽與否。亦勉強掛起講演招牌。囂然號於衆曰。吾已請得某名士講演矣。有時講演

之動機出自講演者自身。其目的無非爲沽名釣譽之計。此動機比較的少。蓋無論如何好出風頭。一旦立在大庭廣衆之中。必思所以對付之法。絕無準備者不敢輕於一試也。惟今日之中國人對於新學研究之程度尙低。講者之誤謬不必即時覺察。因此講者之責任大爲輕減。此等現象爲過渡時代所不能免。欲絕對防杜之。殊不易。且文化之演進。率由於此。因噎廢食。非計之得者。惟杜威羅素諸先生之講演。理宜特別鄭重。蓋吾人既號召於世界。謂吾人有向學之熱忱。故請世界第一流學者來華。動機既不同於尋常。希望自當別有所在。然考其成績。不免令人失望。杜威羅素原爲世界有名之學者。誠具有講者之資格。惟聽者之資格常不充足。兩先生到處備受歡迎。不足爲吾人熱心向學之表示。必於禮貌上之周旋以外。實際爲學問上之周旋。方不負吾人講學之初衷。然事已如此。嘵嘵亦無益。爲將來計。吾擬

提出辦法數條。以供國人之參考。第一。請外國學者講演。不宜用通譯。大凡專門學術之翻譯。極不容易。無論當事者實際有研究與否。若欲於講師口述之後。即譯成國語。更難。在講師講演之時。決不能依照原稿去講。故通譯者即豫將原稿熟讀。而當通譯之時。仍覺非常困難。其結果非失之疏忽。即失之訛誤。苟筆記者不能即刻糾正之。則其失必更多。蓋中國之言文不一致。又加以速寫術素不講求。故業已有失之譯語。復重之以誤記。遂使筆記與講師之原意相差愈遠。苟聽者有直接聽講之能力。則儘可雇用外國語速記員記之。隨後即送交講師閱看。訂正其錯誤。而後翻爲中文。與原文一並發表之。如此則聽講者不必研究譯文。譯文不過供不能閱原文者之參考耳。第二。講演錄必以原文發表。譯文僅用爲附件。講演錄既用原文。則速記有錯與否。講師一閱即知。今用譯文發表。讀者不知講者之意。若何。無由直

接詢問。講者亦不知聽者之果否了解。無由直接探索。講者與讀者之間。儼然劃一鴻溝。故用通譯講演。而聽者受益少。用譯文發表。而讀者受益不多。兩者皆非講學之道也。第三。講演之後。應由聽者直接發生疑問。緣講學有彼此討論之意。非如皇帝之詔諭。和尚之說偈。衆善奉行。言莫予違也。今日之講演。大都有講而無問。豈研究學問之意乎。惟照此辦法。聽衆必大減。提倡之者或以爲失敗。究之千人之諾諾。不如一士之謬謬。吾儕真欲講學。不在乎聽衆之多寡也。吾聞羅素先生在北京講哲學問題。謂若僅得四十人真正熱心向學之士。於意已足。誠哉其爲卓見也。綜以上所論。可結以一語。即吾人苟真爲好學也者。不可不先有求學之豫備。譬如出洋留學。必豫習外國文與普通科學。此人人所共知者。乃對於講學即可以輕心掉之。學之用不亦太小乎。吾對於杜威羅素之講演。更發生一種感慨。自去年